

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) i Ligjit për mbrojtjen e konkurrencës ("Gazeta Zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), si dhe në bazë të njoftimit për përqendrim i parashtruar nga Shoqëria Bullgare e Telekomunikacionit EAD Bullgari, me seli të regjistruar në Bulevardin " Carigradsko shose" 1784, Sofje, Bullgari, dorëzuar nga avokati Andrea Llazarevska nga Shkupi, në seancën e mbajtur më 17 mars 2021, mori këtë:

AKTVENDIM

1. Vërtetohet se përqendrimi me të cilin Shoqëria Bullgare e Telekomunikacionit EAD Bullgari, me seli të regjistruar në Bulevardin " Carigradsko shose" 1784, Sofje, Bullgari fiton kontrollin mbi shoqërinë NET1 EEOD BULLGARIA me seli të regjistruar në adresën rr. Asen Joradanov 14, Sofje, Bullgari dhe indirekt ndaj shoqërisë së saj të varur I TV EEOD Bulgari me seli të regjistruar në rr. Asen Joradanov 14, Sofje, Bullgari dhe shoqërisë KomNet Sofje, me seli të regjistruar në adresën Bulevardi Maqedonia 21, Sofje, Bullgari, megjithëse bie nën dispozitat e Ligjit për mbrojtjen e konkurrencës nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës thelbësore të tij , veçanërisht si rezultat i krijimit ose forcimit të pozitës dominuese të pjesëmarrësve dhe **është në pajtim me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2. Parashtruesi i njoftimit për përqendrim obligohet të paguaj taksë administrative për njoftimin e përqendrimit në shumë prej 6 000,00 den. si dhe për Vendimin në shumën prej 30.000,00 den, sipas numrit tarifar 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 и 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogaria e pagesës 840.....03161, kodi i të ardhurave dhe programi 72231300.

3. Padia për ngritjen e kontestit administrativ nuk e prolongon zbatimin e aktvendimit.

Arsyetim

Në pajtim me nenin 15 të Ligjit për mbrojtjen e konkurrencës , me datë 17.02.2021, dhe i plotësuar me 19.02.2021, në Komisionin për Mbrojtjen e Konkurrencës (në tekstin e mëtutjeshëm: Komisioni) është dorëzuar një njoftim për përqendrim nga Shoqëria Bullgare e Telekomunikacionit EAD Bullgari, me seli të regjistruar në Bulevardin " Carigradsko shose" 1784, Sofje, Bullgari fiton kontrollin mbi shoqërinë NET1 EEOD BULLGARIA me seli të regjistruar në adresën rr. Asen Joradanov 14, Sofje, Bullgari dhe indirekt ndaj shoqërisë së saj të varur I TV EEOD Bulgari me seli të regjistruar në rr. Asen Joradanov 14, Sofje, Bullgari dhe shoqërisë KomNet Sofje, me seli të regjistruar në adresën Bulevardi Maqedonia 21, Sofje, Bullgari.

Komisioni filloi shqyrtimin e Njoftimit nga dita e pranimit të tij dhe në bazë të dhënave të paraqitura në Njoftimin për përqendrim dhe shtojcat e tij, konstatoi si në vijim:

Shoqëria Bullgare e Telekomunikacionit EAD Bullgari është pjesë e Grupit Junajted (United Group), një grup i shoqërive që ofrojnë shërbime telekomunikuese dhe mediatike në disa vende të rajonit, e cila nga ana tjetër është në pronësi të fondeve që i këshillon BC Partners LLP (*BC Partners LLP*), një fond ndërkombëtar i investimeve me seli në Londër.

BC Partners LLP (*BC Partners LLP*), janë të pranishëm në Maqedoninë e Veriut përmes shoqërive të varura (indirekte).

- Total i TV d.o.o. Shkupi me seli të regjistruar në adresën Bul. VMRO 3 Qendër Shkup, e cila është aktive në shpërndarjen e përmbajtjes mediatike;
- Direkt Media d.o.o.e.l me seli të regjistruar në adresën Orce Nikollov 68/3 Qendër Shkup, i cili merret me aktivitete të marketingut.

NET1 është një operator telekomunikacioni që merret me ofrimin e shërbimeve të shpërndarjes së përmbajtjes mediatike, qasje në internet me brezë të gjerë dhe telefoni fikse, shoqëria ekskluzivisht në Republikën e Bullgarisë. Shoqëria e saj e varur I TV nuk është akoma pjesëmarrëse aktive e tregut në Bullgari dhe nuk ka aktivitete biznesi. KomNet Sofje është një pjesëmarrës në tregun e telekomunikacionit dhe aktivitetet e tij lidhen me ofrimin e shërbimeve të aksesit në internet, televizionit IP dhe shërbimeve të transmetimit të të dhënave ekskluzivisht në territorin e Republikës së Bullgarisë.

Asnjëra nga shoqëritë e potencuar nuk ka shoqëri ta varura ose aktivitete në Maqedoninë e Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht do të përcaktojë se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do të ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës genësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjet juridik

Kundër këtij aktvendimi mund të parashtrohet padi për ngritje të kontestit administrativ në Gjykatën Administrative në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Vladimir Naumovski